

Title	鳴谷遺稿
Author(s)	中川, 幸三
Citation	懷徳. 1978, 48, p. 37-40
Version Type	VoR
URL	<a href="https://hdl.handle.net/11094/90565">https://hdl.handle.net/11094/90565</a>
rights	
Note	

*Osaka University Knowledge Archive : OUKA*

<https://ir.library.osaka-u.ac.jp/>

Osaka University

鳴谷遺稿

中川幸三編

吳山社贖錄抄

夏淺

昭和六年五月

百花紅盡綠筍伸。雨後風光吟望新。初夏蟬聲弄清韻。山房靜寂更無塵。

梅天即事

同年 六月

新竹臨牆解紫苞。蝸牛趁雨下梅梢。先生時隱欄干睡。喚覺蛙聲似送嘲。

聞蛙

同年 七月

山房連日霧難成。幽砌偏教青蘚生。野水如油滿坡澤。窓前獨坐聽蛙聲。

二百二十日過

昭和六年九月

今年夏日暑光微。稻穗遲々莖未肥。厄日幸無逢厄事。山村自是免調饑。

居然莊秋望

同年 十月

居占菱池畔。香煙滿座薰。悠然憑牖望。蘆花帶斜曛。

昭和七年一月

斷雲古樹小樓西。老馬凌競過半隄。欹帽風威人已去。夕陽一老暮鴉迷。

寒林

遊多田

春光霽々遍山村。少女賣花過草門。緬想滬城陣亡士。聊求一朵慰英魂。

家史料見餘威。

秋陰

同年 九月

未霽陰雲遮竹窓。讀書倦去步空江。山門下鑰僧應睡。偶

見伶俚蝶一雙。

見山亭小集

同年 十月

風馳雷雨萬峰過。騷客相逢詩興多。幽邃羚羊溪谷裡。醉

餘閑坐望嵯峨。

歲晚書懷

同年十二月

南廓閑坐屬吟心。且見墻前啄木禽。世上物情無一管。悠悠

然餞歲聽松琴。

雪意

昭和八年一月

飢鴉噪門樹。朔吹入林溪。凜冽天將雪。凍雲覆牖低。

園林初霽

同年 三月

久雨新晴生軟風。春光潑眼百花叢。低飛燕子拂楊柳。遲

日園林淡靄籠。

雨中集浣陰精舍

同年 四月

霏微烟雨柳垂絲。如是春朝堪賦詩。自古騷人與時遠。田

園澹處獨棲遲。

煮新茶

同年 六月

汲來曉井玉龍泉。閑向竹窓茶自煎。松杪仙禽去何處。應

知早已避輕煙。

黃檗山雅集

同年 七月

古院深々鳴一蜩。暑從雨後斂威消。吟朋相會拈詩句。盡

日清遊逃市囂。

北山草堂小集

同年 九月

來訪吳江風月臺。坐無主客玉山頽。思詩未就天將暮。堪

愧當時七步才。

清遠寺小集

同年 十月

蓬萊山裡蔚松杉。煙霧低迷薄翠巒。百練堂中書畫祭。縱

觀未盡日西銜。

初春小集

昭和九年一月

吟社同人坐谷風。相偕慶祝壽康豐。瓶梅香滿玳窓裡。分

韻脚盃樂不窮。

恭賀紀元節

同年 二月

神皇入紀籠金鳥。鳥見原頭奠聖謨。億兆歡呼梅花節。無

窮寶祚與天俱。

新柳

同年 三月

日暖風和野象佳。絲々綠綠作晴霞。山村曳杖興無限。三

月雛鴉喚母鴉。

看隣花

同年 四月

閒步尋花入野隈。輕寒促雨賞心摧。勞神半日終無得。清

郁却從隣舍來。

陽松庵雅集

同年 六月

退藏峯上坐禪窓。閑聽法談心乍降。二百年前巡錫迹。祖

師慧業覺無雙。

暑甚

天張火織地牛烟。流汗成珠濕角巾。室隘無由驅暑去。携兒日日向河濱。

同年 七月

小院無花

古文書齋厭世逃。庭中亦不植紅桃。愛着窓外蒼蒼樹。靜聽松濤染兔毫。

同年 三月

初秋卽事

西風催雨作新涼。朝夕偏思襲菊裳。既餞炎威難耐暑。正迎秋月養枯腸。

同年 九月

殘櫻

留春無計轉堪歎。唯喜櫻花尙未殘。勝境三旬身不到。晚來獨是倚闌看。

同年 四月

災後口占

海嘯襲來捲颶風。怒濤環岸港灣空。不知天譴何緣酷。佳節卽中秋。徒過慘害中。

同年 十月

江村

江南江北綠深々。燕子飛來舊巢尋。簞笠漁翁何處去。薰風催雨作低陰。

同年 五月

臥雲室雅集

明王廟外朔風薰。來訪詩僧臥白雲。極目林巒黃葉晚。清閑半日樂斯文。

同年 十一月

遊青龍寺

翠山深處發高華。素艷含紅百合花。愛見清純如少女。幽姿芳態不爲奢。

同年 七月

負暄

茶花萬朵繞牆濃。負暄南檐氣自慵。推敲半日時徒過。唯愧擇語意無從。

同年 十二月

書懷

上有青巒下碧溪。僧房靜處課詩題。清吟永晝吾忘我。既多年講會聽高談。日夜潛心詩是耽。只恨短才無進境。何時藝死得同參。

同年 九月

春初遣興

春初日暖鳥啾啾。庭草纔抽清古齋。獨坐稱杯人不到。閑吟微醉放幽懷。

昭和十年一月

閑庭卽興

庭際無塵清氣濃。黃楓半落已粗鬆。忙中僅得騷人事。自覺幽情改俗容。

同年 十二月

待梅開

蕭條庭院曉烟迷。梅樹未開鶯未啼。偏待東君催暖日。詩朋三五訪清溪。

同年 二月

爐邊問話

昭和十一年一月

盟朋來會藏春齋。有酒有羹塵自排。甲岳甲溪如活畫。圍爐終日戰詩牌。

看江雲翰墨娛。禽園卽興

同年十一月

春曉聞鶯

同年 二月

瓶裡氣梅花自清。幽人早起坐天明。窓前時有新鶯囀。頻促詩情詩未成。

來會丹丘胡錦齋。奇禽異鳥囀嗜嗜。酒釀富貴名尤重。墨客引觴舒雅懷。

對雪

同年 三月

寒拶幽窓玉屑飛。庭前樹竹着綿衣。今年猶未聞春信。看傲梅花捲翠緯。

春日閑詠

懷德 第十七號 抄

雨中對花

同年 四月

夭夭艷色見山隅。小雨霏霏蕊爲濡。似是同吾垂涕淚。結得春愁損詩腹。

雨後春庭花木馨。山容翠色入松扃。陶然萬象牽詩興。睨院鶯聲滿野亭。新夏雨窓朝來細雨過窓斜。淺綠幽庭夏色加。午院蕭閑詩味爽。湘簾不動茗烟遮。

靜晝

同年 五月

江山增綠正風飄。新燕飛飛繞柳條。院落蕭蕭人不出。石爐茶沸絕塵囂。

柳岸繫舟

同年 六月

楊柳千絲垂碧嶺。翩翩度朶燕呢喃。江風一縷隨流好。留得長條繫白帆。

九月暑甚

同年 九月

新涼未到暑無窮。汗出如居釜鬺中。赤帝困人何太甚。仰天一夜待西風。

退老堂秋望

同年 十月

岑寂空堂有主無。青黃樹色滿仙區。吟朋今日復相聚。閑

酒井先生にさしぐ

懷德の旗を守りて幾山河

みたまやすかれつゞくはらから

蕙香

ふと浮びましたものお目にかけます